



Vuk'uzenzele

Brought to you by Government Communications (GCIS)

Sesotho/English

February 2016 Edition 1



**Affordable
healthcare
on the cards
for SA**

Page 6



SOUTH AFRICA

**SA ready
for local
government
elections**

Page 9

**JOBS
INSIDE**

More funding support for students

Albert Pule and More Matshediso

Government has set aside an additional R6.912 billion to support university education.

Announcing the additional funding, Higher Education and Training Minister Blade Nzimande said this was a strong indication that government had listened to the concerns raised by university students last year during their march against university fee increases.

“As an immediate measure, we have resolved the zero percent fee increment for 2016 with universities, which amounted to R2.33 billion... University students who meet the National Student Financial Aid Scheme (NSFAS) means test will not be required to pay upfront payments when registering this year,” said the Minister.

The R6.912 billion additional funding includes the R2.33 billion for resolving the zero percent fee increment; R2.543 billion is for NSFAS to provide loans to assist 71 753 identified students, who were either partially funded or not funded at all in the past three academic years.

Minister Nzimande said students who have performed well and come from disadvantaged families will receive financial help from government.

The NSFAS has been allocated over R700 million for full bursaries for scarce and critical skills for the current year from the National Skills Fund (NSF).

“This funding is made available through the financial aid offices at universities, and students wishing to make use of these bursaries are advised to enroll for critical skills study programmes, which include science, commerce, health sciences, engineering and many others,” said Minister



Higher Education Minister Blade Nzimande announced additional funding to help deserving students to complete their studies.

Nzimande.

The Minister said NSFAS has also earmarked R72.9 million in the 2016 academic year to provide financial aid to disabled students in universities.

“The department is committed to expanding access and success in our institutions for students who have special needs,” said the Minister.

At technical and vocational education and training (TVET) colleges, government pays 80 per cent of the programme cost of the student’s choice, with an additional allocation being made dependent on the type and severity of the disability.

“Government will assist students who display academic ability but come from poor and disadvantaged families through

NSFAS at all 26 public universities and 50 public TVET colleges throughout the country.

“NSFAS will be funding 205 000 first-time entering and continuing eligible students at universities and 200 000 students at TVET colleges in 2016 by providing student loans and bursaries totaling R10 million,” said Minister Nzimande.

STATE OF THE NATION ADDRESS

by President Jacob Zuma

Thursday, 11 February 2016, from 19:00

Catch it live on television, radio and social media

Follow us on [Twitter](#) #SONA and participate in discussions on [Facebook](#) @GovernmentZA

Together we move South Africa forward

REPUBLIC OF SOUTH AFRICA

Lefa tjehelete ya kgodiso ya ngwana, ho seng jwalo o tla phanyaolwa

Noluthando Mkhize

Batswadi ba sa lefeng tjehelete ya kgodiso ya ngwana, ha ba sa na sebaka seo ba ka ipatang ho sona. Mopresidente Jacob Zuma o sa tswa tekana Molao wa Sehlobotho wa Kgodiso ya Ngwana (Molao wa 9 wa 2015) hore e be molao wa sebele, o tla netefatsa hore bao ba kwenehelang ditefo tsa kgodiso ya ngwana ba a phanyaolwa.

Motlatsi wa Letona la Toka le Ntshetsopele ya Molaotheo John Jeffery o itse Molao o dumella ho tlahleha ha bakweneni ba tefo ya tjehelete ya kgodiso ya ngwana ho bafani ba dikoloto kapa basekaseki ba phano ya dikoloto esita le bakeng sa ho kgephola meputsong kapa diphaellong ho tswa ho bahiri.

Tlhomathiso ya Molao wa Kgodiso ya Ngwana, 1988, e bile taba ya bohlokwa e ka sehloohong ya lefapha mme e habile ho tswela-pele ho ntlafatsa mokgwatsamaiso wa tjehelete ya kgodiso ya ngwana.

"E se e le nako e fetang dilemoshome tse pedi haesale Lefapha la Toka le Ntshetsopele ya Molaotheo le ikitlaelleditse ho netefatsa tshireletso ya bana kahisanong ya rona.

"E nngwe ya dintho tse nang le sekghala se seholo maphelong a bana ke tjehelete ya kgodiso ya ngwana," ho itsalo Motlatsi wa Letona Jeffery.

O ekeditse ka hore Sehlobotho sa Molao wa Tjehelete ya Kgodiso ya Ngwana se hlomathisa Molao wa Kgodiso ya Ngwana ho ntlafatsa mokgwatsamaiso wa kgodiso ya ngwana, ha ho ntse ho emetswe ho phethelwa ha tjebo botjha ya kgodiso ya ngwana ya Molao wa sehlooho ke Komisi ya Tlhabollo ya Molao ya Afrika Borwa.

Molao o motjha ha o a tshwanela ho shejwa o le inotshi, o ile a rialo, jwalokaha e le karolo ya lethathama la mekgwa e mengata, e hlahisitsweng ke lefapha, ho tisa phetoho ya sebele phanong ya ditshebeletso ho ba tshwanetseng ho fola molemo tjeheleteng ya kgodiso ya ngwana.

"Mekgwa ena e entswe ka sepheo sa ho netefatsa hore basadi ba fela ba na le phihlello e ntlenyana tokeng le makgotleng a dinyewe."

THOMELO YA TJHELETE KA MOKGWA WA ELEKTRONIKI (EFT)

Motlatsi wa Letona Jeffery o itse EFT e ntlafaditse mokgwa oo tjehelete ya kgodiso ya ngwana e lefshwang ka wona. Mokgwa ona o dumella diphofu ho fumana tjehelete ka nako ya matsatsi a mane kamora hore lefapha le fumane tefo.

"Ka mokgwa wa EFT, lefapha jwale le romela tjehelete ka kotloloho diakhaonteng tsa banka tsa ba folang molemo."

"Sena se bolokela ba folang molemo nako le tjehelete ya ho ya kgotla ho ya lata ditjehelete. Ho boetse ho bolokehile. Mothating ona, 98% ya ba folang molemo ba se ba le motjheng wa EFT."

O itse bao ba seng ho EFT ha jwale, bongata ba bona ha se baahi ba kwano kapa ke batho ba se nang ditokomane tsa boitsebiso tse hlokwang ke ditheo tsa dibanka ho bula akhaonte ya bankeng.

Lefapha le dula le ntse le bontshana le Lefapha la Merero ya Lehae le ditheo tsa dibanka ho thusa batho bana.

"Ka mokgwa wa ho lefa ka kotloloho lekgotla la dinyewe le laela molefi, ka tumellano le ya folang molemo, ho kenya tjehelete ya kgodiso ya ngwana ka kotloloho akhaonteng ya banka ya ya folang molemo."

TAOLO E KOPANTSWENG YA DINYEWE TSA TJHELETE YA KGODISO YA NGWANA

Letona Jeffery o itse lefapha le hlahisitse Mokgwa wa Taolo e Kopantsweng ya Dinyewe tsa Tjehelete ya Kgodiso ya Ngwana o bolokang letoto la dinyewe ho tloha ngodisong ya kopo ya tefo ya tjehelete ya kgodiso ya ngwana ho ya filha ho ntshuweng ha taolo ya ho lefa tjehelete ya kgodiso ya ngwana.

"Sena se lebisana phanong e potlakileng ya ditshebeletso tsa tefo ya tjehelete ya kgodiso ya ngwana, jwalokaha mosebetsi wa dipampiri oo makgotla a dinyewe a neng a o etsa ka mongolo wa letsoho, o se o etsuwa ka dikhomphyutha jwale.

"Semo se seng le se seng sa ditjehelete, lefapha le kgetha diofisiri tse shebaneng le tjehelete ya kgodiso ya ngwana esita le bafuputsi ba ditjehelete tsa kgodiso ya ngwana ho ntlafatsa phano ya tjehelete."

Ho ya ka letona, dilemong tse nne tse fetileng tsa ditjehelete, lefapha le ekeditse basebetsi ditshebeletsong tsa ditjehelete tsa kgodiso ya ngwana ka ho hira batho ba 247.

Ka 2015/16, diofisiri tse ekeditsweng tse shebaneng le tjehelete ya kgodiso ya ngwana mmoho le bafuputsi ba tla hirwa.

Sepheo ke ho netefatsa phano e lekaneng ya basebetsi dikgutlwaneng tsohle tsa tjehelete ya kgodiso ya ngwana naha ka bophara.

Ha o batla ho tseba haholwanyane ka tjehelete ya kgodiso ya ngwana, letsetsa Moadvokheiti Mulalo Netshisaulu ho 012 315 1512 kapa MNetshisaulu@justice.gov.za

CHILD MAINTENANCE CHECK LIST

- (1) WHAT THE APPLICANT NEEDS TO BRING TO THE MAINTENANCE OFFICE AT THE MAGISTRATES' COURT WHEN MAKING AN APPLICATION FOR CHILD MAINTENANCE:
- (2) NOTE: BRING THE FOLLOWING DOCUMENTATION TO THE MAINTENANCE OFFICE TO MAKE COPIES AND IF THESE ARE NOT AVAILABLE ON THE DATE OF APPLICATION PLEASE BRING THE DOCUMENTS ON THE NEXT DAY/AND/OR ON THE HEARING DATE.
- (3) UNAVAILABILITY OF THE DOCUMENTS ON THE DATE OF APPLICATION FOR MAINTENANCE SHOULD NOT STOP THE APPLICANT FROM COMPLETING THE J101 APPLICATION (FORM A TO THE MAINTENANCE REGULATION), WHICH IS ATTACHED TO THIS CHECK LIST AS ANNEXTURE "B1".

DOCUMENTS REQUIRED FOR MAINTENANCE ENQUIRY/MEDIATION	Please tick off
1. An identity book (green book with your photo) or passport or drivers licence and or immigration permit	
2. Certified copies of the child/children's birth certificates	
3. Three months bank statement (LATEST)	
4. Three months proof of income (payslip) or the signed letter from the employer confirming your income.	
5. Physical/work address of the person responsible for paying the maintenance money.	
6. List of your income and expenditure e.g. water and lights bill, till slips for groceries, school expenses; medical and travel receipts, clothing accounts, etc.,	
7. Full name of parent/person responsible for paying the maintenance money.	
8. Copy of Decree of Divorce (in the case of divorce)	

AFTER THE TICK OFF ON THE CHECKLIST THEN MAINTENANCE SUPERVISOR SHOULD ADD HIS/HER SIGNATURE AND DATE, TO ENSURE ALL NECESSARY DOCUMENTS WILL BE AVAILABLE

MAINTENANCE SUPERVISOR

Signature:

Date:

WHAT THE RESPONDENT NEEDS TO BRING TO COURT WHEN APPEARING BEFORE THE MAINTENANCE OFFICER FOR ENQUIRY/MEDIATION

The respondent is require to bring all the required documents on the date of enquiry:

DOCUMENTS REQUIRED FOR MAINTENANCE ENQUIRY/MEDIATION	Please tick off
1. An identity book (green book with your photo) or passport or drivers licence and or immigration permit	
2. Three months bank statement (Latest)	
3. Three months proof of income (payslip) or the signed letter from the employer confirming your income	
4. Proof of physical work and residential address	
5. List of your expenditure e.g. water and lights bill, till slips for groceries, school expenses; medical and travel receipts, clothing accounts, etc.,	
6. Provide the copy of the maintenance court order if there is a maintenance court order against you in another court	
7. Birth certificates of all your other biological children other than children in question	

NB: THE MATTER WILL NOT BE POSTPONED BECAUSE OF LACK OF THE ABOVE- MENTIONED DOCUMENTS, SO IT IS COMPULSORY THAT THE MAINTENANCE OFFICER /CLERK EXPLAIN THAT THE PARTIES SHOULD COMPLY WITH THE REQUIREMENTS ON THE RETURN DATE.



the doj & cd

Department: Justice and Constitutional Development
REPUBLIC OF SOUTH AFRICA

Tsohle tseo o hlohang ho di tseba ka wili

Noluthando Mkhize

Mokgwa wa ho netefatsa hore baratuwa ba a hlokomela ha tsenene ya lefu e hlabane, ke ho etsa wili.

Wili ena, e boelang e tsejwa ka hore ke testamente, ke tokomane eo motho a totobatsang hore ho tlameha hore ho etsahala eng ka lefa la hae ha a shwa.

O ka thonya motho kapa batho, ba tsejwang ka hore ke badisi ba mafa, ba tshwanelang ho tsamaisa mafa a hao ha o se o shwele.

Motho ya etsang wili o tsejwa ka hore ke moetsawili.

"Ha ho hlahiswa wili ka puo e bobebe, ho ka thwe ke lenane la ditabatabelo tsa motho ha a shwa."

"Ho wili ke moo motho a hlahosang hore na o batla maruo a hae a ajwe jwang. Haeba o na le maruo, ke mang eo o ka thabelang ha a ka fola molemo" ho itsalo Cecilia Mphela Motlatsi wa Motsamaisi ho tswa Kantorong ya Motsamaisi Lekgotleng le Phahameng la Aforika Borwa Karolong ya Gauteng le bopang karolo ya Lefapha la Toka le Ntshetsopele ya Molaotheo.

DITLHOKO TSA WILI E AMOHELEHILENG KA MOLAO

Ho ya ka Lefapha la Toka le Ntshetsopele ya

Molaotheo haesale ho tloha ka la 1 Pherekong 1954, wili e tlameha ho ba ka mokgwa wa lengolo. E ka ngolwa ka letsoho, ya tlanyatswa kapa ya porintwa.

Qetellong, moetsawili o tlameha ho e tekana. Motekeno wa moetsawili o tlameha ho tekenwa pela dipaki tse pedi kapa ho feta moo tse phetseng hantle.

Haeba wili e na le maqephe a fetang bonng-weng, leqephe ka leng ntle le leqephe la ho qetela le tlameha ho tekenwa ke moetsawili kapa motho e mong ya jwalo kae kapa kae leqephe.

Leha moetsawili a tlameha ho tekena maqephe ohle a wili, ke leqephe le qetellong ya wili feela le hlohang ho tekenwa pheletsong ya wili.

Mokhomishenare ya hlapantsang o tlameha ho tiisa hore ba kgotsofetse ke boitsebahatso ba testator le hore wili e tekennweng ke ya moetsawili.

Mokhomishenare ya hlapantsang le yena o tlameha ho tekena leqephe le leng le le leng la wili, kae kapa kae leqephe.

HO THONNGWA HA MODISI WA MAFA

Mphela o itse ha ho ralwa wili ho ba teng monyela wa ho kgetha modisi wa mafa.

"Enwa ke motho ya laolang a bile a aba maruo ho ba folang molemo."

Maruo a motho a akga dintho tsohle tsa hae,



dithepa le dikoloto tseo a bileng le tsona ho fihlela letsatsing leo a neng a shwa ka lona.

Ho tsamaisa mafa ho bolela ho bokella kapa ho nka taolo ya maruo ohle a mofu, ho lefa mekitlane eo mofu a e siileng ha a ne a shwa, le ho lefa sekepele se setseng bakeng sa kabo ho bajalefa ba mofu jwalokaha wili e hlahola.

Mphela o re ha ho ralwa wili motho o tlameha hore bonnyane a be le dilemo tse 16 mme a be a phetse hantle kelellong ebile o tlameha ho ba le dipaki tse pedi tse nang le dilemo tse 14 kapa ho feta, ba ka kgonang ho fana ka bopaki lekgotleng la dinyewe.

"Ha ho hlokehe hore dipaki di shebisise wili. O ka nna wa iketsetse wili ya hao kapa o ka e

etsetswa ke motho e mong."

O ekeditse ka hore baeletsi ba tsa ditjehelete, babuelli le dibanka, ba ka eletska ka hore na wili e etsuwa ha jwang.

Mphela o itse bohobo ba batho bo kgetha ho thuswa ke dibanka ho etsa wili, e leng se lebisang tabeng ya hore dibanka e be tsona badisi ba diwili tseo di di entseng.

"Maemong a jwalo, dibanka di tla buisana le ba folang molemo ka wili. Ho dula ho le molemo hore beng ba mafa ba tsebise bafola

Ha o na le dipotso: chiefmaster@justice.gov.za
Mohala: 012 406 4805 Fekse: 086 5444 893

POLOKEHO LE TSHIRELETSEHO

E ba sedi ka ditlolo tsa molao tsa inthaneteng



Lt Col Erica Holtzhausen

Jwaloka dinaha tse ngata lefatshe ka bo-phara, Afrika Borwa le yona e kotsing ya ditlolo tsa molao tsa inthaneteng. Ho ya ka Tshebeletso ya Sepolesa sa Aforika Borwa (SAPS), Aforika Borwa e lahlehetswe ke tjelele e ka bang R5.8 bilione ditlolog tsa molao tsa inthaneteng ka 2014.

Bongata ba maAforika Borwa a ka bang 47% a sebedisang difonofono tsa sekwalejwale tsa di-smartphone, a se a bile mahlatsipa a ditlolo tsa molao tsa inthaneteng.

Ho banka ka inthanete ke yona phofu e kahodimodimo ho batlodi ba molao inthaneteng Afrika Borwa.

Ditlolo tsa molao tsa inthaneteng ke diketso tsa ditlolo tsa molao tse etswang ka dikhomphyuta kapa inthanete.

Divarase tsa khomphyutha, boqhekanyetsi ka inthanete le diimeile tsa bolotsana, ke yona mekgwa e tlwaelehileng haholo eo batlodi ba molao ba e sebedisang ho fumana lesedi le tebileng la motho le hlokehang ho etsa ditlolo tsa molao.

Dipakeng tsa Pherekong 2011 le Phato 2012, ho ne ho e na le diketsahalo tse 90 000 tse tlalehlileng tsa batho ba wetseng lerabeng la diimeile tsa boqhekanyetsi, ka tjelele e kaalo ka R94 milione e dutlileng dipokothong tsa batho ka bomong.

Diimeile tsa bolotsana di tataisetsa

Kamoo o ka itshireletsang kateng:

- Se ke wa bula ditokomane tse qhwaletsweng melaetseng ya imeile kapa hona ho kena di-websaeteng tse belaetsang. E ka baka hore lesedi la bohlokwa le utollohe mme lesedi le hlakolotsi le lobokanngwe.
- Hlahloba tshireletso ya ditshebetso tsa Facebook ya hao mme o kgethe ho tsebiswa ka SMS kapa imeile ha motho e mong a leka ho kena akhaonteng ya hao ka sesebediswa se sele.
- E ba sedi ka dipapato tsa mesebetsi tsa inthaneteng moo ho hlokehang dintlha tse tebileng ka wena esita le setshwantsho sa hao.
- Ditheo le mekgatlo di tlameha ho dula di disitse lephallo la marangrang a dikgokahanyo.
- Kenya *password* le rarahaneng fonofonong ya hao ya letsoho ho tshireletsa lesedi leo e leng la hao.
- Bula feela dintlo tse tswang mehloding e tshepahalang.
- Sebedisa mekgwa ya ho lefa e tshireletsehileng ha o reka ka tshebediso fonofono ya letsoho.

basebedisi websaeteng e itseng, moo ba kotjwang ho fana ka dintlha tsa moraora tsa lesedi la bona, tse kang *password*, karete ya sekoto, dinomoro tsa pasa kapa tsa akhaonte ya bankeng.

Yuniti ya Ditlolo tsa Molao tse etswang ka Khomphyutha (ECU) ya SAPS e ile ya thewa

- MaAforika Borwa a ka tlaleha ditlolo tsa molao tsa inthaneteng ka ho letsetsa Setsi sa Phedisio ya Ditlolo tsa Molao ntle le ho itsebisana mabitsa ho 08600 10111.
- Phedisio ya Ditlolo tsa Molao ke setsi sa naha seo ho letsetsang ho sona, se nang le basebetsi ba botsang dipotso tsa bofuputsi ba rupelletsang ka bokgabane, mme bohle ba na le thupello ya motheo ya bofokisi.

ka 2011 ho rarolla ditlolo tsa molao tsa inthaneteng le tsa dikhomphyutheng.

Mobrigadiri Piet Pieterse, eo e leng hlooho ya ECU, o itse seabo sa yuniti ya hae ke ho nyebekolla ditlolo tsa molao tsa bohwebi, tse akgang ditlolo tsa molao tse hlophisitsweng esita le mapatlolo a ditlolo tsa molao.

“Ho na le bopaki bo fapakaneng ba dikhomphyutheng, bo emetseng ntlha ya bohlokwa ya dipatlisiso tsa sepolesa mme e ka nna ya e ba hlakolotsi ho tshehetseng botjhothjisi ba mefuta e fapaneng ya ditlolo tsa molao,” ho itsalo Brigadier Pieterse.

Ho ya ka SAPS, ditlolo tsa molao tsa inthaneteng ha e sa amana le bao ba batlang ho fihlella mokgwatshebetso wa khomphyutha feela kapa hona ho bontsha hore ntho e itseng e ka etsahala.

Batlodi ba molao ba etsang ditlolo tsa molao ba ithlophisitse ka bokgabane mme ba nka monyetla ho bao ba sebedisang ditshebetso tsa inthanete. Le haeba sena se etsetswa ho ithuisa ka ditjhelele kapa e le ditshoso baneng, dipheho tsa ditlolo tsa molao tsa inthaneteng di ka tla le thefuleho e mpe ya moruo.

*Lt Col Erica Holtzhausen ke ofisiri ya SAPS

Ditshebeletso tsa tshehetso bakeng sa diphofu tsa ditlolo tsa molao tsa motabo

Sinenhlanhla Mkhwanazi

Diphofu tsa ditlolo tsa molao tsa motabo jwale di tla fihlella ditshebeletso tse mofuthu, tse ntle di bile di le hlakolotsi ka Makgotla a Dinyewe tsa Ditlolo tsa Molao tsa Motabo a kgakotsweng ke Lefapha la Toka le Ntshetsopele ya Molaotheo.

Lefapha le sa tswa kgakola Makgotla a Dinyewe tsa Ditlolo tsa Molao tsa Motabo Durban (KwaZulu-Natal) le Atlantis (Kapa Bophirimela). “Mokotaba o setsiketsing, o tshehetseng bohloko ba mesebetsi wa lefapha, ke ho netefatsa hore batho bohle ba Aforika Borwa ba ikutlwa ba bolokehile,” ho itsalo Letona la Toka le Ditshebeletso tsa Tshokollo ya Batshwaruwa Michael Masutha nakong ya kgakolwa ha Lekgotla la Dinyewe tsa Ditlolo tsa Molao tsa Motabo.

Ho kgakolwa ha makgotla ana a dinyewe ha se feela ho bopa karolo ya boikitlaetso ba lefapha ba phihlelo ya ditshebeletso tsa toka diphofung tsa ditlolo tsa molao tsa motabo, empa ho boela ho thusa ho Sehlomathiso sa Molao wa Ditlolo tsa Molao (Ditlolo tsa Molao tsa Motabo le Dintho tse Amanang le Wona) wa 32 wa 2007.

Ka Phupjane 2012, Setlamo sa Tshebetso sa Boeletsu ba Matona Kahlolong ya Ditaba tsa Ditlolo tsa Molao tsa Motabo (MATTSO) se ile sa kgethwa ho batlisisa ka kgonahalo ya tlhahiso botjha ya makgotla a dinyewe tsa ditlolo tsa molao tsa motabo naheng ena. Ka Phato ya 2013, MATTSO e kentse tokomane ya tshisinyo ya ntlafatso ya makgotla a dinyewe a 57 a mabatowa hore e be makgotla a dinyewe tsa ditlolo tsa molao tsa motabo ka nako ya dilemo tse tharo.

“Haesale ho tloha ka Phato ya 2013, lefapha le theile makgotla a dinyewe tsa ditlolo tsa molao tsa motabo a 43, a sebedisang ho ya ka mekgwa o sisintsweng ke MATTSO. Re hahamalla ho fana ka ditshebeletso tse sepeho sa tsona e leng ho thusa diphofu,” ho itsalo Letona Masutha.

Makgotla a dinyewe tsa ditlolo tsa molao tsa motabo a fana ka ditshebeletso tse kgethehileng tsa tshehetso ya diphofu ho qoba tlhokofatso ya bobedi le thefuleho e nngwe ya maikutlo phofung ya tlolo ya molao ya motabo.

Mokgwa ona o motjha o boetse o habile ho ntlafatso sekgahla sa ba fumanwang ba le



Ho kgakolwa ha Makgotla a Dinyewe a Ditlolo tsa Molao tsa Motabo ho bolela hore diphofu di ka kgona ho fihlella ditshebeletso tse ntle.

molato ka ditlolo tsa molao tsa motabo esita le ho fokotsa bolelele ba nako e nkuwang ho tloha letsatsing la ho tlaleha sepoleseng ho ya pheletsong ya nyewe.

“Sekgahla sa ba fumanwang ba le molato mabapi le ditlolo tsa molao tsa motabo le sona se eketsehile mme kotareng ya pele ya 2015/16, Lekgotla la Botjhothjisi ba Naha,” ho itsalo Letona Masutha

LEKOTLA LA DINYEWETSA MOTABO LA DURBAN

Ha a ne a bua thakgolong ya Lekgotla la Dinyewe tsa Ditlolo tsa Molao tsa Motabo la Durban, Mookamedi Kakaretso Nonkululeko Sindane o ile a thasisetsa hore thakgolo ya lekgotla la dinyewe e bontsha boikitlaetso ba lefapha ho sebetaneng le dikgoka kgahlanong le dihlopha tse kotsing setjhabeng.

Ditho tsa setjhaba di tshepa hore makgotla ana a dinyewe a tla thusa ho lwantsha sewa sa tlhekefetso ya motabo dibakeng tsa bona. Nomthembu wa Chesterville KwaZulu-Natal o hlalitse maikutlo ka ngongoreho ya hae ka pelaelo ya peto ya ngwana ya dilemo di pedi ka 2010.

“Re tshepa hore ka thuso ya Lekgotla la Dinyewe tsa Ditlolo tsa Molao tsa Motabo la Durban, nyewe eo ya peto e belaellwang e ka salwa morao,” o itsalo. Mookamedi wa NPA KwaZulu-Natal Moadvokheiti Moipone Noko o ile a tshepiso ho sala nyewe eo morao.

Ditho tsa setjhaba di kgothaletswa ho tshwarana ka matsoho le mmuso ho lwantsha

ditlhekefetso tsa motabo setjhabeng.

“Hore ho thewe dibaka tse batlang di bolokehile le naha e batlang e bolokehile, mmuso o tshwanela ho itshetleha ka tshehetso ya setjhaba. Ke ka dilekane feela moo re ka bang le tshepo ya ho rarolla ditlolo tsa molao re be re netefatsa hore batho ba habo rona ba bolokehile ba bile ba ikutlwa ba bolokehile,” ho itsalo Letona Masutha.

Mokgwa ona o motjha wa makgotla a dinyewe tsa ditlolo tsa molao tsa motabo o fana ka ditshebeletso tse latelang:

- Ditshebeletso tsa tlhophiso ya lekgotla la dinyewe: Lenaneo lena le o tswaetsa mesebetsi, mekgwatsamaiso, ditshebeletso le melemo tsa lekgotleng la dinyewe. Le o thusa hore o be paki e pakang hantle ka kgotla. Mohla letsatsi la ho buuwa ha nyewe, wena o tla amohelwa ke Ofisiri ya Ditlhophisu tsa Kgotla (CPO).
- Ditshebeletso tsa bokenadipakeng: Haeba o ngwana eo e leng phofu kapa motho ya nang le bokowa ba kelello, motjhothjisi o tla etsa kopo lekgotleng la dinyewe hore le o dumelle ho fana ka bopaki phaposing le o thoko ka thuso ya mokenadipakeng. Mokenadipakeng o fetisa dipotso tse tlolang kgotla tse tlang ho wena ka mekgwa o utlwisisehang.
- Diphaposi tsa poraefete tseo ho phomolwang ho tsona ke diphofu tsa batho ba baholo le tsa bana: Phaposi ya paki eo e leng ngwana e na le fenetjhara e radiilweng ka sepeho sa ho kgahlanyetsana le ditlhoko

tsa ngwana a thefulehileng maikutlo. E boetse e na le sebaka sa ho bapalla, setsi sa ho balla le bethe e mabothobotho ya ho phomola. Phaposi eo ho phomolwang ho yona ke batho ba baholo le yona e na le fenetjhara ya ho etsa hore seo se etsahalang kgotla se thobe maikutlo haholwanyane ho diphofu.

- Ditshebeletso tsa teko ya pele le kamora thobo ya thefuleho ya maikutlo: CPO e tla o tataisa nakong ya teko ya thobo ya maikutlo pele nyewe e qala esita le hanghang ha e se e phethetswe, ho o thusa ho lwantshana le thefuleho ya maikutlo ka baka la se etsahetseng.
- Phaposi ya poraefete ya ho hlalisa bopaki/ditshebeletso tsa boikunuto ba kgotla: Haeba o paki mme o motho e moholo, molao o o dumella ho paka phaposing ya poraefete ya ho hlalisa bopaki ka mekgwa wa se bitwang *closed-circuit TV* haeba o ikutlwa o phuthulohile ho etsa jwalo. Sena se netefatsa hore ha ho hlokehe hore o be nqa e le nngwe le moqusuwa ha o fana ka bopaki.
- Ditshebeletso tsa ditfefello tsa paki: Lefapha le fana ka ditfefello tsa paki ho o lefella ditjoe tsa leeto ho ya le ho kgutla esita le diji ha o le kgotla.

SETSI SA TLHOKOMELO SA THUTHUZELA SEBAKENG SA ATLANTIS:

E le karolo ya ditshebeletso tsa tshehetso phofung, Letona Masutha o kgakotse Setsi sa Tlhokomelo sa Thuthuzela (TCC) se Atlantis Sepetele sa Westfleur. Di-TCC ke di-tse nang le ntho tsohle tse hlokehang mme di beilwe kahara ditsi tsa bophelo bo botle. Di fana ka setsi sa tshebeletso e nang le ntho tsohle moo mafapha ohle a bohlokwa ho bokelleng bopaki ho arabela phofung le ho hlophisetsa botjhothjisi bo tla atleha, tsohle di beilwe sebakeng se le seng. Ho na le ditsha tse 55 tsa di-TCC tse fanang ka ditshebeletso tse kgabane ho diphofu tsa tlhekefetso ya motabo, mme tse 50 tsa tsona di sebetisa ka phethahalo, papisong le tse 38 selemong se fetileng sa ditjhelele.

*Sinenhlanhla Mkhwanazi o sebeletsa Lefapha le Toka le Ntshetsopele ya Molaotheo.